

Modificación de 29 de abril de 2020, da Instrución conxunta 5/2019, do 1 de marzo, da Xerencia e da Secretaría Xeral para o desenvolvemento de medidas de tratamento de datos de carácter persoal na Universidade de Vigo

As modificacións efectuadas pola Xerencia e Secretaría Xeral ao texto da Instrución conxunta 5/2019, de 1 de marzo para o desenvolvemento de medidas de tratamento de datos de carácter persoal na Universidade de Vigo, derivan principalmente do Real Decreto-Lei 14/2019, de 31 de outubro, polo que se adoptan medidas urxentes por razóns de seguridade pública en materia de administración dixital, contratación do sector público e telecomunicacións, que modificou algúns artigos da Lei 39/2015, de 1 de outubro do procedemento administrativo común e da Lei 9/2017, de 8 de novembro, de contratos do sector público.

O texto tamén contén correccións lingüísticas de expresión e xénero que non varían o seu contido.

1. Capítulo V. Cumprimento do dereito de información as persoas interesadas

Onde di

Os artigos 13 e 14 do RXPd e o artigo 11 da LOPDGDD, contemplan o dereito de información...

Modifícase por:

Os artigos 12, 13 e 14 do RXPd e o artigo 11 da LOPDGDD, contemplan o dereito de información...

2. Capítulo VIII. Contratos para encargados de tratamento

Onde di

En relación aos contratos menores: As persoas responsables dos diferentes centros de gasto, son os responsables en primeira instancia para detectar encargados de tratamento contratados pola aplicación de pedidos. Previo ao encargo da prestación, deberase enviar a proposta do contrato de encargo de tratamento á Xerencia quen decidirá sobre a súa adecuación á normativa sobre protección de datos, previa supervisión do Delegado/a de Protección de Datos.

• Información que deberá concretarse no modelo de contrato de encargo de tratamento do anexo IV: identificación no encabezado da persoa física ou xurídica encargada do tratamento, cláusulas 1 e 2 relativas ao obxecto do encargo do tratamento e á identificación da información afectada.

Modifícase por:

En relación aos **contratos menores**: As persoas responsables dos diferentes centros de gasto, son os responsables en primeira instancia para detectar Encargados de Tratamento contratados pola aplicación de pedidos. Se a persoa física ou xurídica provedora, para cumprir o encargo necesita realizar tratamentos de datos persoais dos que é responsable a Universidade de Vigo, será preciso previo ao encargo da prestación, a sinatura dun contrato de encargo de tratamento conforme ao modelo do anexo IV desta instrución. Dito contrato deberá incorporarse ao programa de pedidos xunto co resto da documentación do contrato principal.

Prestarase atención a encargados de tratamento que ofrezan garantías suficientes para aplicar medidas técnicas e organizativas apropiadas.

- **Información que deberá concretarse no modelo de contrato de encargado de tratamento do anexo IV:**
 - Encabezado: Identificación da persoa física ou xurídica Encargada do Tratamento.
 - Cláusula 1. Obxecto do encargo do tratamento: identificar o nome do contrato, convenio ou o documento xurídico principal, o seu obxecto e o número de pedido, no seu caso. Concretar o tratamento.
 - Cláusulas 2. Identificación da información afectada: identificar o tipo de datos que se van a tratar e a categoría ou colectivo de persoas afectadas.
 - Cláusula 6. Compromisos e declaración da/o Encargada/o do Tratamento de ubicación de servidores (no seu caso): para contratos de actividades relacionadas con servizos de “*cloud computing*”, de tecnoloxías da información e das comunicacións e recursos de hardware, software, almacenamento, servizos e comunicacións. Se debe cubrir o compromiso e declaración do Encargado de Tratamento en relación á ubicación de servidores, de conformidade coa Lei 9/2017, do 8 de novembro, de contratos do sector público e a Lei 39/2015, de 1 de outubro, do procedemento administrativo común das administracións públicas.
 - Data e Sinaturas

3. Capítulo IX. Cláusulas para convenios

Onde di:

As Vicerreitorías, os servizos e as diferentes estruturas que impulsen calquera tipo de convenios da Universidade de Vigo son os órganos que en primeira instancia deberán detectar se implican cesións de datos persoais por conta de terceiros. Neste caso habería que engadir aos convenios o contrato de encargado de tratamento indicado no anexo IV e dita circunstancia a porán en coñecemento da Secretaría Xeral para ser revisados previamente á súa sinatura polo Delegado/a de Protección de Datos.

Modifícase por:

As Vicerreitorías, os servizos e as diferentes estruturas que impulsen calquera tipo de convenios da Universidade de Vigo son os órganos que en primeira instancia deberán detectar se o obxecto e as actividades específicas dos mesmos van a implicar tratamento de datos persoais dos que é responsable á Universidade de Vigo.

Se os Convenios conteñen unha mera declaración de intencións que non se concretan en actividades ou finalidades específicas, incorporarán unicamente as cláusulas indicadas neste apartado.

Se os Convenios regulan especificamente actividades ou finalidades que impliquen tratamento de datos persoais dos que é responsable á Universidade de Vigo, deberán engadir como anexo ao convenio un contrato de encargado de tratamento (anexo IV desta instrución), e dita circunstancia a porán en coñecemento da Secretaría Xeral para ser revisados previamente á súa sinatura polo/a DPD.

4. Capítulo XIII. Posto de traballo

Onde di

XIII. POSTO DE TRABALLO

Modifícase por:

XIII. MEDIDAS BÁSICAS DE SEGURIDADE NO POSTO DE TRABALLO

5. Anexo III. Texto legal informativo en protección de datos para mensaxes electrónicas

Onde di

En virtude do artigo 14 do Regulamento (UE)...

Modifícase por:

En virtude do artigo 12 do Regulamento (UE)...

6. Anexo IV. Contrato de encargado de tratamento de datos persoais

Engádesse un novo apartado 6, en concordancia coa RR de 12 de novembro de 2019 pola que se acorda o inicio do procedemento para a modificación dos pregos tipo de cláusulas administrativas particulares correspondentes a varios procedementos de licitación da Universidade de Vigo, ao obxecto de adaptar os mesmos aos cambios operados polo Real Decreto-Lei 14/2019, de 31 de outubro, polo que se adoptan medidas urxentes por razóns de seguridade pública en materia de administración dixital, contratación do sector público e telecomunicacións (BOE nº 266 do 5/novembro/2019)

6. Compromisos e declaración da/o Encargada/o do Tratamento de ubicación de servidores (no seu caso)

A/o encargada/o do tratamento, antes da formalización do contrato DECLARA:

1.- Que de conformidade co indicado no artigo 122.2 da Lei 9/2017, do 8 de novembro, do contratos do sector público e co indicado no artigo 9 apartados 2 e 3 e artigo 10 apartado 2 e 3 da Lei 39/2015, de 1 de outubro, do procedemento administrativo común das administracións públicas, e en relación a servizos de “*cloud computing*”¹, de tecnoloxía da información e das comunicacións e recursos de hardware, software, almacenamento, servizos e comunicacións, os servidores ubicaranse en....., e se van a prestar os servizos asociados aos mesmos desde.....

2.- Comprométese a tratar os datos persoais dentro do Espazo Económico Europeo ou outro espazo considerado pola normativa aplicable como de seguridade equivalente, non tratándoos fora dese espazo nin directamente nin a través de calquera subcontratista autorizado conforme ao establecido neste documento ou demais documentos contractuais, salvo que estea obrigado virtude do Dereito da Unión Europea ou do Estado membro que lle resulte de aplicación.

3.- Comprométese a comunicar por escrito calquera cambio que se produza, ao logo da vida do contrato, da información facilitada nos puntos anteriores con antelación suficiente ao tratamento e garantirá o cumprimento de calquera requisito legal aplicable á Universidade de Vigo, salvo que o Dereito aplicable o prohiba por razóns importantes de interese público.

4.- Comprométese a aportar a documentación que acredite as medidas de seguridade adecuadas.

¹ Antes de contratar este tipo de Servizos recoméndase consultar as seguintes guías da AEPD:

Orientacións para prestadores de servizos cloud computing”: <https://www.aepd.es/sites/default/files/2019-09/guia-cloud-prestadores.pdf>

Guía para clientes que contraten servizos de cloud computing: <https://www.aepd.es/sites/default/files/2019-09/guia-cloud-clientes.pdf>

7. Anexo VIII. Información de protección de datos para convocatorias

Suprímense dous parágrafos e modifícanse o parágrafo da información do/a DPD

O texto modificado é o seguinte:

De acordo co disposto nos artigos 12 e 13 do Regulamento (UE) 2016/679, do Parlamento Europeo e do Consello, de 27 de abril, relativo á protección da persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento Xeral de Protección de Datos ou "RXP") e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de (*concretar a finalidade da convocatoria/procedemento/actividade etc...*) _____ e amparados pola lei (*norma de Dereito da UE ou norma con rango de lei*) _____.

Coa súa participación neste (*procedemento/actividade/convocatoria etc...*) as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza deste (*procedemento de concorrencia competitiva/actividade/convocatoria/.....*). Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.es

Estes datos trataranse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Vostede ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Devanditos dereitos poderá exercelos mediante solicitude en sede electrónica da Universidade de Vigo <https://sede.uvigo.gal/> ou solicitude dirixida ao Reitor da Universidade de Vigo e presentada ante o rexistro da Universidade de Vigo, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para mais información: <https://www.uvigo.gal/proteccion-datos>

Igualmente poderá dirixir dita solicitude directamente á Delegada de Protección de Datos da Universidade de Vigo ao enderezo electrónico: dpd@uvigo.gal

Así mesmo, se a súa solicitude non é atendida pola Universidade de Vigo, vostede ten dereito a presentar unha reclamación ante a Axencia Española de Protección de Datos (AEPD).

8. Anexo X. Exercicio de dereitos de protección de datos

Inclúese o apartado de comprobación dos datos de identificación da persoa interesada e a opción á oposición á consulta, en concordancia coa implantación do procedemento na sede electrónica da Universidade de Vigo.

O texto modificado é o seguinte:

RESPONSABLE DO TRATAMENTO: Universidade de Vigo

DATOS DA PERSOA INTERESADA OU REPRESENTANTE LEGAL

Nome e apelidos:

Teléfono:

Enderezo electrónico:

Enderezo postal:

Localidade e Código Postal:

Provincia:

Co número de DNI ou documento equivalente:.....

Comprobación dos datos de identificación da persoa interesada e, no seu caso, o seu representante

En base ao artigo 12 do RXPD e os artigos 9 e 28 da LPACAP, será obxecto de consulta por parte da Universidade de Vigo o documento nacional de identidade da persoa interesada ou da persoa representante que no caso de que se opoñan a esta consulta, deberá indicarse no recadro correspondente e achegar xunto con esta solicitude unha copia de dito documento.

Opóño-me á consulta do meu DNI e achego una copia do mesmo:

De conformidade co previsto nos artigos 12 a 22 do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á súa libre circulación por medio do presente escrito exerzo o seguinte dereito

DEREITO A EXERCER (escolla unha opción)

- Acceso
- Rectificación
- Supresión
- Limitación do tratamento
- Oposición
- Portabilidade

Especificar o pedimento: *(pode acompañar os documentos necesarios para o exercicio do dereito)*

SOLICITO: Que se me facilite, gratuitamente, o dereito anteriormente exposto no prazo dun mes contado a partir da recepción da solicitude.

(data e sinatura)

Sr. REITOR DA UNIVERSIDADE DE VIGO

Secretaría Xeral. Edificio Ernestina Otero
Campus universitario Lagoas-Marcosende s/n 36310 Vigo

Información para as persoas interesadas

Lexislación aplicable:

Regulamento (UE) 2016/679, do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (RXPDP)

Lei orgánica 3/2018, de 5 de decembro, de protección de datos persoais e garantía dos dereitos dixitais (LOPDGDD)

Lei 39/2015, de 1 de outubro, do procedemento administrativo común das administracións públicas (LPACAP)

Prazo de resolución: un mes. Poderá prorrogarse por outros dous meses, de ser necesario, tendo en conta a complexidade e o número de solicitudes.

Lugar de presentación: ante o REXISTRO da Universidade de Vigo ou ante algún dos rexistros ou oficina de correos aos que se refire o artigo 16 da LPACAP, coa referencia "protección de datos" e remitida ao seguinte enderezo: Secretaría Xeral. Edificio Ernestina Otero da Universidade de Vigo, Campus Universitario, s/n, 36310 de Vigo (Pontevedra).

Documentación complementaria: pode acompañar os documentos que considere necesarios para o exercicio do dereito.

No caso de denegación: Se a Universidade de Vigo non tramita a solicitude da persoa interesada, informará sen dilación, transcorrido un mes da recepción da solicitude, das razóns da súa non actuación e da posibilidade de presentar unha reclamación ante a Axencia Española de Protección de Datos (www.agpd.es).

Datos da delegada de protección de datos da Universidade de Vigo: Ana Garriga Domínguez. Enderezo electrónico dpd@uvigo.gal. Enderezo postal: Facultade de Dereito, Campus Universitario As Lagoas s/n, 32004, Ourense.

Información básica sobre a protección dos seus datos

Responsable: Universidade de Vigo

Finalidade: xestionar o procedemento de exercicio de dereitos de datos de carácter persoal.

Legitimación: o tratamento dos datos de carácter persoal recollidos neste documento basease no Regulamento (UE) 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE e na Lei orgánica 3/2018, de 5 de decembro, de protección de datos persoais e garantía dos dereitos dixitais.

Cesións: non se prevén cesións nin transferencias a terceiros países de ditos datos.

Dereitos: as persoas interesadas poderán exercitar os seguintes dereitos: Acceso, rectificación, supresión, limitación do tratamento, oposición e, no seu caso, portabilidade dos datos.

Procedencia da información: A información recollida neste formulario procede da propia persoa interesada ou a súa representación legal.

Información adicional: <https://www.uvigo.gal/proteccion-datos>

A Xerenta
Raquel María Souto García

O Secretario Xeral
Miguel Ángel Michinel Álvarez